

❖ NA, NI FUM YM METHLEM

Ni fûm yng ngwlad Jwdea,
 Ni fûm ym Methlem dref,
 Ni welais lety'r ychen
 Na'r crud lle ganwyd Ef.
 Ni welais Mair na Joseff
 Na'r baban Iesu ei hun,
 Ond 'nôl yr hyn a glywais,
 Hwn oedd y tlysaf un.

Ni welais y bugeiliaid
 Na'u diadelloedd mud,
 Na'r doethion dri o'r Dwyrain
 Na'r fintai ddaeth ynghyd.
 Ond gwn am stori'r geni,
 Mae yn y llyfr mawr,
 Mae'n hen gyfarwydd i ni
 A'i hadrodd wnaif yn awr.

Tra'n gwylio'u preiddiau llonydd
 Rhwng nos a thoriad gwawr,
 Daeth engyl ar gymylau –
 O'r nefoedd fry i lawr.
 Gogoniant i'r goruchaf
 Oedd cân yr engyl lu,
 'Draw 'mhell yn ninas Dafydd
 Mae gweld y baban cu.'
 Cewch weld y doethion yno
 Yn plygu ar y gwair –
 Yn rhoddi eu hanrhegion,
 Y myrr, y thus, a'r aur.

Ni fûm yng ngwlad Jwdea,
 Ni fûm ym Methlem dref,
 Ond gwn yn ôl yr hanes
 Mai yno y ganwyd Ef.
 Na allem oll fynd yno
 A phlygu wrth ei grud,
 A diolch o un galon
 Am eni Crist i'r byd.

J. Meirion Evans